



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

[CLX.] Confirmat Decretum Dietæ Generalis Fratrum Congregationis S.
Hieronymi Jesuatorum nuncupat. pro substentatione Procuratoris
Generalis tempore.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Monte Casino scudi cinquemila settecenta sessanta nove. Perugia scudi trentaquattro mila cinquecento cinquanta. Cesena scudi mille cinquecento quarantotto bajocchi cinquanta. Ravenna scudi novecento. Mantova scudi settecento. Modena scudi tremila seicento. Reggio scudi mille. Parma scudi settemila cinquecento cinquanta. Bobbio scudi doimila trecento novanta due. San Spirito di Pavia scudi mille quattrocento. San Simeone scudi tre mila cinquecento. Fiorenza scudi mille. Casa Veneta scudi quattromila.

§. 2. Quia verò æs alienum hujusmodi in dies augetur, nec possibile est, illud ex redditibus Monasteriorum prædictorum extenuare, nedum extinguere, quinimò ipsum æs alienum impedimento est, quominus eadem Monasteria oneribus Cameralibus, quæ quotidie maturantur, satisfacere valeant. Idcirco his omnibus in Capitulo Generali dictæ Congregationis hoc anno Perusii celebrato, maturè consideratis, cognitique nullam aliud superesse remedium, quo eadem Congregatio ab ære alieno hujusmodi, illiusque interusuris liberetur, atque ita afflictus illius status aliquantum liberetur, quam si ad alienationem tot bonorum stabilium ad Monasteria superscripta spectantium pro rata debiti unumquodque illorum respectivè juxta Notas præinsertas contingens deveniatur, dilecti pariter filii Præcedens, & Definitorum ipsius Congregationis memorato Procuratori Generali commiserunt, ut à Nobis, & hac Sancta Sede facultatem obtinere contenderet eidem Congregationi, ejusque Monasteriis ex eorum bonis stabilibus alienandi usque ad summam dicti æris alieni, pro rata tamen, & quantitate bonorum singulis quibuscumque Monasteriis per ipsum Procuratorem Generalem cum consensu, & decreto tuo assignanda, & distribuenda juxta respectivè debitum, quod unumquodque ex Monasteriis præfatis cum dicta Procuratoria Generali habet ad effectum, pecunias retrahendas ex bonis per singula Monasteria alienandis perfolvendi in manibus ejusdem Procuratoris Generalis, in satisfactionem debiti cum dicta Procuratoria singula Monasteria tangenti, quas pecunias dictus Procurator Generalis teneatur unico contextu deponere penes Montem Pietatis de Urbe ad creditum Congregationis, & sui liberam dispositionem, ad hoc ut erogentur non in alium usum quam in extinctionem tot Censuum arbitrio suo specificandorum ex causa prædicti debiti à Monasteriis non satisfacti respectivè, sicut præmittitur impostorum cum pactis solitis, & consuetis, ac in contractibus conveniendis, & aliis prout in eorundem Præsidentis, & Definitorum decreto in Capitulo Generali hujusmodi die 11. Maii proximè præteriti emanato uberius dicitur contineri; Quare dictus Procurator Generalis nobis humiliter supplicari fecit, ut licentiam alienandi bona Monasteriorum supra expressorum pro summa, & quantitate centum sexaginta duorum millium nongentorum novem scutorum, & viginti trium baiocchorum hujusmodi, ac pro rata debiti, unumquodque ex eisdem Monasteriis, sicut in Notis præinsertis expressum est respectivè tangentes concedere, & ut infra indulgere de benignitate Apostolica dignaremur.

§. 3. Nos igitur ipsum Procuratorem Generalem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati de Venerab. Fratrum nostrorum S. R. E. Cardinalium Concilii Tridentini interpretum consilio, circumspeditioni

tux, per præsentem committimus, & mandamus, ut veris existentibus narratis, petitam facultatem singulis superscriptis Monasteriis pro rata bonorum in notis præinsertis expressa, auctoritate nostra Apostolica, pro tuo arbitrio, & conscientia gratis concedas. Dummodò tamen ante tibi constiterit ipsam facultatem in evidentem eorundem Monasteriorum utilitatem esse cessuram, nec alia commodiori ratione præarratum æs alienum posse dissolvi; Ipsumque æs alienum fuisse legitime contractum, & non aliàs, & dummodò bona ipsa vendenda nulli vinculo, aut oneri, præsertim verò Missarum obnoxia sint; Et in ipsa licentia ut supra concedenda singulorum bonorum vendendorum quantitas, & speciales, & individua eorum qualitates singillatim explicentur, ac describantur, exquisitis etiam, atque habitis circa prædicta omnia, si ita tibi videbitur, Informationibus Ordinarii locorum ubi Monasteriorum bona vendenda existant; Ita tamen, ut pretium ex hujusmodi venditionibus retrahendum integrè atque unico contextu in extinctionem dicti æris alieni convertatur. Quod si hujusmodi conversio uno, & eodem temporis articulo fieri non possit, pecunia apud sacram ædem integrè deponatur, inde alium quemcumque effectum quam præarrati æris alieni dissolvendi gratia nullatenus amovenda. Salva tamen semper in præmissis auctoritate Congregationis præfatorum Cardinalium.

§. 4. Non obstantibus fel. record. Pauli II. & aliorum Romanorum Pontificum Prædecessorum nostrorum de rebus Ecclesiæ non alienandis, & aliis Constitutionibus, & ordinationibus Apostolicis, necnon Congregationis, ejusque Monasteriorum præfatorum, aliisque quibusvis etiam juramento, confirmatione Apostolica, vel quavis firmitate alia roboratis, Statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis illorum tenores præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque.

Datum Romæ apud S. Mariam Majorem sub Anulo Piscatoris, die 23. Julii 1665. Pontificatus Nostri Anno undecimo.

Confirmat Decretum Dietæ Generalis Fratrum Congregationis S. Hieronymi Jesuatorum nuncupat. pro substitutione Procuratoris Generalis tempore.

ALEXANDER PAPA VII.

Ad futuram rei memoriam.

EXponi nobis nuper fecit dilectus filius Superior Generalis Congregationis Fratrum Sancti Hieronymi Jesuatorum nuncupatorum, quod cum aliàs nobis pro parte ipsius Superioris Generalis inter alia exposito, æquum esse, ut Procurator Generalis dictæ Congregationis, qui pro universa Congregatione per debitam repartitionem manuteneretur. Nos unionem officiorum Procuratoris Generalis Congregationis hujusmodi, & Prioris Conventus Sanctorum Joannis, & Pauli de Urbe ejusdem Congregationis pridem factam, & Apostolica auctoritate confirmatam dissolverimus, ita ut eadem duo officia, de cætero per duas distinctas personas quemadmodum ante unionem hujusmodi fieri solebat obtineri, geri, & exerceri deberent, & aliàs prout in nostris desuper in simili forma Brevis die 30. Augusti 1664. expeditis literis uberiùs continetur.

§. 1. Dilecti

§. 1. Dilecti pariter filii Fratres memoratæ Congregationis in eorum Dieta proximè celebrata congregata Taxam ducentorum scutorum monetæ super Conventibus ipsius Congregationis pro sustentatione, & manutentione d. Procuratoris Generalis imposuerunt in hunc modum, videlicet: ut Sancti Eustachii Bononien. viginti, de Mascarella itidem Bononien. quatuor, Sancti Hieronymi Ferrariorum. quindecim, S. Mariæ Magdalene Faventin. tria, Sanctissimæ Trinitatis Urbinaten. tria, S. Mariæ della Palomba Viterbien. tria, S. Joannini Florentin. quinque, S. Hieronymi Senen. quinque, S. Hieronymi Pistorien. septem, S. Hieronymi Lucan. viginti, S. Hieronymi Pisan. sex, S. Mariæ de Montenero super Liburnum quindecim, S. Mariæ de Sambuca quinque, S. Mariæ Gratiarum Aretin. tria, S. Hieronymi Mediolanen. viginti, S. Antonii Papien. quatuor, S. Petri Lauden. quatuor, S. Hieronymi Alexandrin. quatuor, S. Bartholomæi Placentin. quatuor, S. Benedicti Parmen. quatuor, S. Hilarii Cremonen. sex, S. Mariæ in Portu Mantuan. quatuor, S. Elisabethæ Venetiarum decem, Corporis Domini Brixien. quinque, S. Hieronymi Tarvisin. septem, S. Spiritus Paduan. quatuor, S. Bartholomæi in Monte Veronen. quatuor, & Sancti Hieronymi Vicentin. Conventus prædictæ Congregationis sex scuta monetæ quotannis respectivè præstare teneantur. Imposita Superioribus Conventuum hujusmodi, qui ratas dictæ Taxæ sese contingentes respectivè annis singulis per totum mensem Maium ad memoratum Conventum SS. Joannis, & Pauli de Urbe, non transfecerint, pœna suspensionis ab officio, ac à voce activa, & passiva in Dietis, & Capitulis generalibus dictæ Congregationis ipso facto incurrenda.

§. 2. Cum autem sicut eadem expositio subjungebat prædictus Superior Generalis præmissa pro firmiori illorum subsistentia Apostolica confirmationis nostræ robore communiri summopere desideret: Nos ipsum Superiorem Generalem specialibus favoribus & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium dumtaxat consequen. harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati.

§. 3. Impositionem Taxæ prædictæ super Conventus dictæ Congregationis pro sustentatione memorati Procuratoris Generalis, ac pœnæ hujusmodi à prædicta Dieta factam, ut petitur, auctoritate Apostolica tenore præsentium confirmamus, & approbamus, illique inviolabilis Apostolica firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint supplementis.

§. 4. Decernentes easdem præsentis literas, firmas, validas, & efficaces existere, & fore, suoque plenarios, & integros effectus sortiri, & obtinere, ac ab illis, ad quos spectat, & pro tempore quomodolibet spectabit, inviolabiliter observari, & illis respectivè plenissimè suffragari; sicque in præmissis per quoscumque Judices ordinarios, & delegatos, etiam causarum Palatii Apostolici Auditores, judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, necnon quatenus opus sit d. Congregationis, ejusque Conventuum hujusmodi etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indulgentiis, & litteris Apostolicis in contrarium præmissorum quomodolibet concessis, confirmatis,

& innovatis. Quibus omnibus, & singulis, illorum tenores præsentibus pro plenè, & sufficienter expressis, & insertis habentes, illis aliàs in suo robore permanfuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 6. Volumus autem, ut earumdem præsentium litterarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem proflus fides adhibeatur ubique, quæ præsentibus adhiberetur, si forent exhibitæ, vel ostensæ.

Dat. Romæ apud S. Mariam Majorem sub Anno Piscatoris, die 14. Septembris 1665. Pontificatus nostri Anno 11.

Transumptum fides.

Dat. P. An. 11. die 14. Sept.

Extensio, & communicatio Privilegiorum Fratrum Discalceatorum in Hispania Ordinis Sancti Francisci ad omnes Provincias Discalceatorum Indiarum.

CLXI.

Vide ad Const. 313. Urb. VIII. Cum sicut, & ad Const. 316. ejusdem.

ALEXANDER PAPA VII.

Edita An. D. 1665.

Ad futuram rei memoriam.

EXponi Nobis nuper fecerunt dilecti filii Fratres Provinciarum in Hispania, & Indiis consistentium Ordinis Fratrum Minorum S. Francisci Strictioris Observantiæ Reformatorum, seu Discalceatorum nuncupatorum, quod dudum fel. rec. Gregorius Papa XIII. prædecessor noster diversa privilegia Fratribus Reformatis Provinciarum Sancti Josephi, & Sancti Joannis Baptistæ in Hispania consistentium, strictioris Observantiæ hujusmodi concessit, quæ præsertim respectu Fratrum de Observantiâ à rec. mem. Clemente VIII. & Urbano VIII. Romanis Pontificibus prædecessoribus pariter nostris confirmata fuerunt.

Supplicatio.

§. 1. Cum autem sicut eadem expositio subjungebat Provinciæ Fratrum Reformatorum strictioris Observantiæ hujusmodi ad numerum duodenarium cum Divini cultus augmento crevisse de præsentibus reperiantur, dicti verò Exponentes privilegia prædicta omnibus Provinciis Reformatis supradictis suffragari debere à Nobis declarari summopere desiderant, Nobis propterea humiliter supplicari fecerunt, ut sibi in præmissis opportunè providere, & ut infra indulgere de benignitate Apostolica dignaremur.

§. 2. Nos igitur ipsos Exponentes specialibus favoribus, & gratiis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis & consultationibus Episcoporum, & Regularium præpositorum, qui dilectum filium Procuratorem generalem Ordinis hujusmodi audierunt, & præcitata privilegia, eorumque confirmationes viderunt consilio, attentis narratis, privilegia memoratis Provinciis Sancti Josephi, & Sancti Joannis Baptistæ, ut præfertur, concessa, & confirmata, reliquis omnes Provincias Fratrum Reformatorum, seu Discalceatorum strictioris Observantiæ hujusmodi in Hispania, & Indiis consistentes comprehendere, eisque in omnibus & per omnia suffragari debere, auctoritate Apostolica tenore præsentium declaramus, salva tamen semper in præmissis auctoritate Congregationis eorundem Cardinalium.

Confirmat prout in rub.

Absolvit Oratorem à censuris.

Confirmat prout in rub.

Decretum irritans.

Contrariis derogat.